



Bilten

mjesečni



septembar
rujan
2020.

omladinska mreža bosne i hercegovine

256

Dragi prijatelji/ce,

Predstavljamo vam **septembarsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

| | |
|--|----|
| Aktivnosti u septembru..... | 2 |
| Planovi za oktobar | 6 |
| Aktivnosti članova mreže | 7 |
| Saopštenja/informacije/donatori/pozivi | 20 |

Uživajte u čitanju!

AKTIVNOSTI ORC/HCA U SEPTEMBRU 2020.

#LjubavPrekoMosta – CAT Bosna i Hercegovina

Mladi iz Mostara poslali su jasnu i glasnu poruku svima!



Mladi okupljeni oko inicijative CAT Bosna i Hercegovina, u saradnji sa Klubom skakača u vodu „Mostari“, u subotu izveli su simboličan skok sa Starog mosta u ime zajedništva svih naroda u gradu Mostaru, dok je preko 50 ljudi u ime ljubavi i prijateljstva za skakačem bacilo 50 karanfila u Neretvu i pokazalo da je moguće.

Želja Lokalnog CAT Tima Mostar bila je skupiti sve mlade na jednom mjestu uz

zajedničko druženje i razgovor, u čemu su i uspjeli na After Party-iju koji je upriličen u CAFE Vinyl.

Lokalni CAT Tim Mostar planira još mnogo zajedničkih aktivnosti u gradu Mostaru, kao što je crtanje murala u suradnji sa YIHR BiH, kino za mlade, kao i rock koncert!

Pratite nas na našim društvenim mrežama!

#LjubavPrekoMosta

CAT – Bosna i Hercegovina

Tokom mjeseca septembra, nastavili smo sa našim redovnim aktivnostima u sklopu projekta „Građani protiv terorizma – CAT“. Naše mačke su nastavile da oduševljavaju javnost na društvenim mrežama, a ovog mjeseca započeli smo svoj novi serijal pod nazivom PodCat sa našim Malikom Sakićem i ispravili pošarani mural u Brčkom sa Lokalnim Cat timom Brčko.



Ukoliko još uvijek ne pratite naše mačke – pozivamo vas da to učinite na:

[Facebook](#), [Web Portal](#), [Instagram](#) i [Youtube kanal](#).

Jačanje civilnog društva u BiH da prepozna i prati online prijetnje na društvenim medijima

U okviru projekta “Jačanje civilnog društva u Bosni i Hercegovini da prepozna i prati online prijetnje na društvenim medijima”, kojeg implementiraju nevladine organizacije Ja bih u EU i Centar za sigurnosne studije za Hedayah, uz pomoć udruženja Munja inkubator, Prava za sve, KOMA (Koalicija marginalizovanih grupa u BiH), Omladinski resursni centar Tuzla i PREC, uz podršku Evropske unije.

U okviru edukacije, u periodu 7-10.9.2020 održan je četverodnevni online trening, na kojem su se učesnici/ce upoznali sa trendovima nasilnog ekstremizma na društvenim mrežama i načinima prepoznavanja online prijetnji koje vode ka nasilnom ekstremizmu. Ispred ORC-a prisustvovali je 10 učesnika/ca. U nastavku projekta mladi će imati priliku da svoje vještine usavrše kroz praćenje, analizu sadržaja i izvještavanje uz nadzor mentora.

Društveni mediji

Prednosti društvenih medija u odnosu na druge medije:

- ❖ **Uključenost:** Za razliku od tradicionalnih medija publika može biti i pružalac sadržaja.
- ❖ **Otvorenost:** Većina društvenih medija otvorena je za povratne informacije i učenje.
- ❖ **Zajednica:** Platforme društvenih medija omogućavaju zajednicama da se brzo formiraju.
- ❖ **Povezanost:** Razvijaju se koristeći veze (link) do drugih web stranica i mrežnih resursa.



Omladinska konferencija „Success story“ Zenica



Grupa mladih iz Zenice je tokom 12. i 13. septembra u Gradu Zenica organizovala konferenciju za mlade pod nazivom „Success story“. Tokom dva dana događaja govornici iz čitave Bosne i Hercegovine su sa mladima Zenice razgovarali o svojim uspješnim pričama na polju aktivizma, civilnog sektora, ljudskih prava i poduzetništva.

Događaj je realizovan uz pomoć Instituta za razvoj mladih KULT i Naša Djeca iz Zenice. Događaju se odazvao i naš projekt menadžer i PR Slobodan Blagovčanin, koji je prezentovao rad naše organizacije sa akcentom na projekat [CAT Bosna i Hercegovina](#).

„Etnonacionalizam i prevencija nasilnog ekstremizma u BiH“

U Konjicu je tokom 30. septembra održan stručni sastanak na temu „Etnonacionalizma i prevencije nasilnog ekstremizma u BiH.

Tokom sastanka su prezentovani preliminarni rezultati istraživanja o etnonacionalizmu i nasilnom ekstremizmu u BiH. Istraživanje je provedeno početkom 2020. godine, a ticalo se online aktivnosti desničarskih grupa u BiH i grupa koje djeluju ka BiH.



Preliminarni rezultati su ukazali da su online aktivnosti desničarskih grupa sve više prisutne i višeslojne. Također, online aktivnosti se često podudaraju sa aktivnostima desničara na terenu. Naročito kada je riječ o narativu.

Po završetku prezentacije istraživanja, projekt menadžer ORC Tuzla, Slobodan Blagovčanin je prisutnima prezentovao i rad na našem projektu CAT Bosna i Hercegovina, koji se upravo tiče prevencije nasilnog ekstremizma i terorizma sa akcentom na online djelovanje.

Organizator sastanka bila je Atlantska inicijativa iz Sarajeva.

EKO KUTAK ZA EKO TRENUTAK



U nedjelju, 27.09.2020 godine realizovana je prva akcija uređivanja zelenih površina. U pitanju su terenske akcije koje sprovodi centar za edukaciju NAHLA, u suradnji sa Let Do it i Omladinskim Resursnim Centrom Tuzla, a konkretno se radi o uređivanju zelene površine iza RGGF-a Tuzla. Sljedeće nedjelje (04.10.2020) planiran nastavak aktivnosti. Projekat se realizira uz podršku Instituta za razvoj mladih KULT.

PODCA(s)T: Malik Sakić & Adnan Mujanović

Pogledajte prvu epizodu našeg PodCA(s)T-a sa Malikom, koji je ugostio Adnana Mujanovića.



Ado je novopečeni doktor medicine, a sa njim smo razgovarali o mladima u BiH, uslovima za mlade na drugim kontinentima, da li će ili neće glasati na #izbori2020, ko su njegovi uzori... Za kraj smo ostavili možda najbitniju temu, a to je da li su bolji Tuzlanski ili Sarajevski ćevapi. [VIDEO](#)

#CATPatrola: Melisa Shza Činić

Nova gošća #CatPatrola je Melisa Činić, u svijetu plesa poznatija je kao SHZA.



Ona je jedna od 16 najboljih plesača u svijetu, što je potvrdila svojim nastupom u Parizu 2019. godine! Ovo nije još jedan #FakeTaxi, ovo je CatPatrola! [VIDEO](#)

SA MAČKAMA U ZAJEDNICI – RTV7 & CAT

U šestoj epizodi #SaMackamaUZajednici razgovarali smo o institucionalnom zalaganju vlasti prema mladima.



Naša Azra Muderizović, urednica i voditeljica emisije, ugostila je: Kemala Nedžibovića – omladinski aktivista, trenutno zaposlen u Udruženju Centar civilnih inicijativa (CCI), Amara Kavgića – koordinator omladinskih inicijativa u UG "Multi" Tuzla i Ammara Grabića – tehnički koordinator

CAT BiH kampanje, Omladinski resursni centar.

#CATBiH u saradnji sa Radio televizijom 7 Tuzla (#RTV7) realizuje ovu emisiju, u kojoj je pažnja posvećena aktuelnim društvenim temama, gradu, ljudima, podršci mladima, prilikama za mlade, civilnom sektoru, društvenom aktivizmu i slično. Predviđeno je da u narednom periodu ugostimo brojne, između ostalih akademske ličnosti, psihologe, sociologe i predstavnike mladih, a vas pozivamo da nam u komentarima napišete koje teme biste voljeli čuti u budućim izdanjima emisije "Sa mačkama u zajednici"! [VIDEO](#)

REDOVNE AKTIVNOSTI ORC I HCA TUZLA

Tokom septembra radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA OKTOBAR 2020.

- Nastavak digitalne Akademije, u okviru novog ciklusa CAT – Građani protiv terorizma.
- snimanje TV emisija na RTV 7,
- snimanje dokumentarnog filma o Muftiji Kurtu,
- Nastavak redovnih aktivnosti u okviru ALF BiH, CAT BiH...
- Nastavak aktivnosti sa srednjoškolcima iz TK, u okviru projekta „Profesionalna orijentacija kroz pasoš kompetencija“, koji je podržan od Vlade Kraljevine Norveške, u okviru projekta „Stvaranje povoljnijeg okruženja za civilno društvo – EMBRACE“. U okviru toga ćemo tokom oktobra nastaviti sa setom– treninga „Životne vještine i vještine zapošljavanja“ za 100 učenika u Tuzlanskom kantonu

AKTIVNOSTI ČLANICA OMLADINSKE MREŽE BiH



Udruženje za društvena istraživanja i komunikacije - UDIK

Ul. Grbavička 51, 71000 Sarajevo

Tel./fax: +387 33 978 600; +387 33 978 605

E-mail: official.udik@outlook.com; official.udik.brcko@outlook.com

Web: www.udik.org; www.udik-brcko.org

Konferencija: Spomenici u kulturi sjećanja

„Spomenici u kulturi sjećanja – svjedočanstvo vremena, mjesta sjećanja, mjesta prijepora“ naziv je regionalne online konferencije održane 9. i 10. septembra 2020. godine. Konferenciju su partnerski organizovali Udruženje za društvena istraživanja i komunikacije (UDIK), Fondacija Fridrih Ebert BiH i UG Oštra nula, a sve sa ciljem da se kroz dijalog i razmjenu mišljenja otvori tema memorijalizacije i spomenika u kulturi sjećanja. Prvog dana konferencije učesnici su govorili o spomenicima u funkciji gradnje identiteta, o iskustvima iz Njemačke, te tipologiji spomenika na primjerima iz Hrvatske i Bosne i Hercegovine. Drugog dana konferencije govorilo se o spomeničkoj kulturi u Bosni i Hercegovini, te o ulozi medija u procesu kritičkog suočavanja s prošalošću. Neki od učesnika konferencije su: Aneta Vladimirov, Boris Pavelić, Dinko Gruhonjić, Edin Jašarević, Hrvoje Klasić, Jelena Diković, Marija Arnautović, Marijana Stojčić, Natasha Zupan, Ramiz Ahmetović i Vjeran Pavlaković.





Udruženje građana „C.E.Z.A.R.“ Srbač

Zdravka Čelara 29, 78420 Srbač

Tel: 051 928 126

e-mail: zdravosrbac@yahoo.com

10. ROĐENDAN UG „C.E.Z.A.R.“

Udruženje građana „C.E.Z.A.R.“ iz Srpač obilježilo je desetu godišnjicu od osnivanja i uspješnog rada ove omladinske organizacije. U prethodnih 10 godina, ovo udruženje je realizovalo veliki broj značajnih projekata i programa kroz koje je prošlo više stotina mladih različitog uzrasta, kao i veliki broj volontera koji su bili organizatori radnih, humanitarnih i kulturnih aktivnosti.



Rođendan je zbog situacije sa korona virusom proslavljen u užem krugu sa saradnicima, voditeljima aktivnosti.

Projekat „Mladi u akciji“



Udruženje građana „C.E.Z.A.R.“ dobilo je podršku za realizaciju još jednog projekta, kojim će se u potpunosti završiti uređenje gradskog parka. U pitanju je projekat „Mladi u akciji“, koji će finansijski podržati Institut za razvoj mladih „Kult“ iz Sarajeva, kroz Urgentni fond za lokalne građanske inicijative. Projektni tim je u toku septembra prisustvovao svečanom potpisivanju ugovora u prostorijama Instituta Kult u Sarajevu, čime je ozvaničen početak realizacije.

Ljetni turnir u stonom tenisu

Udruženje građana „C.E.Z.A.R.“ iz Srpcu je organizovalo Ljetni turnir u stonom tenisu, na kojem su učešće uzela 23 takmičara, koji su bila razvrstani u tri starosne kategorije – kadeti, juniori i seniori. Turnir je održan na terenu za male sportove u Srpcu. Pobjednici su dobili pehare, a prva tri mjesta u svakoj kategoriji i zahvalnice.



Upis u nove aktivnosti

Mjesec septembar u UG „C.E.Z.A.R.“ znači upis u novi ciklus aktivnosti. Pored redovnih aktivnosti, tu je i nekoliko noviteta. U pitanju su Kurs francuskog jezika za djecu i mlade, te Kurs ruskog jezika za djecu, mlade i odrasle.

У.П.И.С.
 У.НОВИ ЦИКЛУС АКТИВНОСТИ
 септембар - децембар 2020

За djecu (изнад 4 године):

- МАЛА ШКОЛИЦА ЕНГЛЕСКОГ ЈЕЗИКА**
- ФРАНЦУСКИ КРОЗ ИГРУ** ново
- РУСКА ИГРАОНИЦА** ново
- МАЛИ КРЕАТИВЦИ**

ПОЧЕТНИ КУРС ФРАНЦУСКОГ ЈЕЗИКА ЗА ДЈЕЦУ ИЗНАД 7 ГОДИНА И МЛАДЕ ново

ПОЧЕТНИ КУРС РУСКОГ ЈЕЗИКА ЗА ДЈЕЦУ ИЗНАД 7 ГОДИНА, МЛАДЕ И ОДРАСЛЕ ново

КОНВЕРЗАЦИЈСКИ КУРС ЕНГЛЕСКОГ ЈЕЗИКА ЗА МЛАДЕ И ОДРАСЛЕ

ПЛЕС

ХИП ХОП

РИТМИЧКА ГИМНАСТИКА

ЗУМБА (узраст 14+)

Удружење грађана
 "Ц.Е.З.А.Р." Србац
 КОНТАКТ:
 065 816 107 и 051 928 126

Пријавите се на вријеме!
 Упис траје до краја септембра или попуњености група.

Профили Удружења на друштвеним мрежама

Projekat „Kad slike govore više od riječi“

Članovi Udruženja građana „C.E.Z.A.R.“ su prethodna dva mjeseca učestvovali u online kursevima baštovanstva, emocionalne pismenosti, ilustrativne tipografije i zaštite životne sredine (ZOOMIONICA), a sve u sklopu projekta „Kad slike govore više od riječi“ u organizaciji Udruženja Most iz Gradiške.

Kao završna aktivnost, u Gradišci je održan umjetnički kamp. Tema kampa su bili lokalni heroji i heroine, borci/aktivisti koji su upamćeni po svojoj borbi za ljudska prava.

Projekat „Kada slike govore više od riječi“ je realizovan zahvaljujući podršci programa Bosnia and Herzegovina Resilience Initiative (BHRI), koji sprovodi Međunarodna organizacija za migracije (IOM) uz finansijsku podršku Američke agencije za međunarodni razvoj (USAID).



Drugi modul projekta „Napravi pokret“



„C.E.Z.A.R.“.

U Laktašima je Mreža M.O.C.A.R.T. Republike Srpske, u partnerstvu sa Institutom Perpetuum Mobile održala drugi modul u sklopu projekta „Napravi pokret“, koji je podržan u okviru projekta „Stvaranje povoljnijeg okruženja za civilno društvo – EMBRACE“, koji finansira Vlada Kraljevine Norveške, a implementira Razvojni program Ujedinjenih nacija (UNDP).

Do sada su kroz projekat „Napravi pokret“ i dva održana modula prošla ukupno 34 omladinska radnika iz 14 omladinskih centara.

Treningu su prisustvovali i predstavnice UG

Caritas Banja Luka u posjeti „C.E.Z.A.R.“ i Srpcu

U prostorijama UG „C.E.Z.A.R.“ u toku septembra održana je Prezentacija o raznim mogućnostima koje nudi Caritas Banja Luka. Prezentaciji su prisustvovala mlade nezaposlene osobe od 15 do 30 godina, kao i predstavnik JU Zavoda za zapošljavanje Republike Srpske, Filijala Srbac.



Mladi daju znak – Vrijeme je za park.

Održana je još jedna radna akcija u organizaciji UG „C.E.Z.A.R.“, kojoj je prisustvovalo 15 volontera Lokalnog volonterskog servisa Srbac. Radilo se na uređenju Omladinskog parka, te on poprima nekadašnji sjaj. U park je stigao novi tobogan. Zamijenjeni su ograda i česma. Pokošena je i pokupljena trava, te su ofarbane saksije.



Institut za
razvoj mladih KULT



Ul. 4. Viteške brigade
34 – 36 BA, 71210 Ilidža, Sarajevo
Tel: +387 33 778 778.
Fax: +387 33 778 79
E-mail: kult@mladi.org, web:
www.mladi.org

Gračanica će dobiti novu strategiju prema mladima

Institut za razvoj mladih KULT i Grad Gračanica potpisali su ugovor o međusobnoj saradnji za izradu nove Strategije prema mladima u ovoj lokalnoj zajednici. Izradi Strategije prethodit će istraživanje o potrebama i problemima mladih u Gračanici.



Potpisivanju sporazuma prisustvovali su gradonačelnik Nusret Helić i izvršna direktorica Instituta, Šeherzada Halimić i predstavnici uprave Grada Gračanica.

Gradonačelnik Nusret Helić izrazio je zadovoljstvo što Gračanica nastavlja saradnju sa Institutom za razvoj mladih KULT na još jednoj zajedničkoj inicijativi, koja će podržati mlade. Istakao je da im je posebno drago što će imati jasnu sliku šta mladi smatraju da je potrebno Gračanici, na osnovu čega će moći razvijati buduće projekte za mlade.

Strategija prema mladima zakonska je obaveza svih jedinica lokalne samouprave na području Federacije BiH i propisuje je Zakon o mladima FBiH, koji je usvojen 2010. godine, a na čijoj izradi je radio upravo Institut za razvoj mladih KULT.

„Zadovoljstvo mi je što je što je Gračanica u vrlo izazovnom periodu ipak odlučila podržati strateški mlade, te daje punu podršku svojoj službi da radi na pripremi ovog važnog dokumenta. Posebno nam je zadovoljstvo jer ovaj proces radimo sa službenikom za mlade koji je već prošao našu obuku i certificirani je službenik za mlade. Naša vodilja je da sve strategije u kojima sudjelujemo budu realne i provodive, jer nam je u cilju da se strategije rade prema potrebama mladih i da odgovore na njihove zahtjeve“, izjavila gđa. Halimić, izvršna direktorica Instituta.

Institut za razvoj mladih KULT nastavlja raditi s mladima – UMID 16: Učimo da bismo znali

U periodu od 17. do 19. septembra, polaznice i polaznici UMID-a 16. generacije nakon ljetne pauze ponovo su se okupili u Obrazovno-raznodnom centru za mlade Spajalica. Tema ovog modula bila je pomirenje. Ova tema posebno je razvijena i pripremljena za ovu generaciju polaznika i polaznica. Tokom tri dana polaznici su imali priliku učiti o procesima pomirenja kroz različite metode, kako unutar Spajalice, tako i na otvorenom. Svoja razmišljanja o tematici podijelila je polaznica iz Zenice, Arnela Tursanović.

- Tema pomirenja sa kojom smo se susreli na ovom modulu mi je veoma poznata kao i problemi naše svakodnevnice. Radili smo na pomirenju kroz vježbe, glumu, medijaciju i još mnoge druge odlične stvari. Napredak koji smo ostvarili kroz ovaj modul bio je neizbježan i žao mi je što ljudi

radije biraju živjeti nemirni i puni govora mržnje, nego u miru i skladu sa drugima, težeći ka boljitku.



Svoje doživljaje sa modula podijelila je i Selima Dračo, koja je izjavila:

- Ovaj modul je prošao fantastično. Tema modula je pomirenje, tema koja je od iznimne važnosti pogotovo nama mlađim generacijama na kojima svijet ostaje i koji danas-sutra gradimo novi, bolji svijet. Postoje stvari za koje sam prvi put čula, a za koje se ispostavilo da su sastavni dio mira/pomirenja. Naučih i osnovne stavke kojima ćemo se koristiti kada želimo uspostaviti mir, odnosno pomirenje. Iz dana u dan mi kao ekipa, kao generacija se sve bolje poznajemo i ne prođe dan, a da ne naučimo nešto novo jedni o drugima. Emina, kao trenerica, je u mnogim situacijama uspjela ostvariti svoj cilj makar to bilo i u aktivnostima u kojima nismo trebali pasti test. Ona je fenomenalna, brižna i uvijek spremna svima pomoći. Uočih kod sebe ogroman psihički progres zahvaljujući kako drugim temama tako i ovoj. Jedva čekam naredni modul u kojem ćemo, uvjereni sam, naučiti opet nešto novo.

Proces učenje se nastavlja, a naša 16. generacija željno iščekuje završne module, kako bi na kraju kroz testiranje i sami mogli provjeriti koliko su naučili tokom ove, za sve, izazovne 2020. godine. UMiD 16 provodi se u okviru inicijative "Dijalogom za zajedničku budućnost" koji podržava Ambasada Kraljevine Nizozemske u BiH.

Ministarstvo za obrazovanje, nauku i mlade KS i Institut potpisali ugovor o međusobnoj saradnji

Ministarstvo za obrazovanje, nauku i mlade KS i Institut za razvoj mladih KULT potpisali su ugovor o međusobnoj saradnji. Ugovor definira Institut kao stručno-savjetodavnog partnera Ministarstvu prilikom akreditiranja za organizatora dugoročnog volontiranja te podršku za izradu programa volontiranja budućih volonterki i volontera u Ministarstvu.

Potpisivanju su prisustvovali gosp. Anis Krivić, ministar Ministarstva za obrazovanje, nauku i mlade KS, Lejla Abazović, stručna saradnica za pitanja mladih, Šeherzada Halimić, izvršna direktorica Instituta i Ajka Rovčanin, voditeljica programa u Institutu.

„Mladi moraju biti prioritet Vlade KS, a posebno našeg ministarstva. Želimo kreirati systemska rješenja koja će biti od pomoći mladima. Ovo je samo jedan od mnogih projekata koje želimo implementirati s partnerima iz drugih sektora, a koji se tiču podrške i pomoći mladima u našem kantonu“, izjavio je ministar Krivić.

Institut za razvoj mladih KULT krajem 2019. godine potpisao je ugovor sa Ministarstvom za rad, socijalnu politiku, raseljena lica i izbjeglice KS u kojem je definirana podrška Instituta javnim institucijama i ustanovama Kantona Sarajevo u procesu akreditiranja za organizatore dugoročnog volontiranja. Do sada je više od 90 javnih ustanova i institucija predalo zahtjev za organizatora dugoročnog volontiranja, a današnje potpisivanje predstavlja jasnu opredijeljenost Instituta za saradnju sa institucijama koje imaju mandat brige o mladima.



„Institut je uvijek na strani mladih i pronalaska najboljih rješenja i modaliteta koji će pozitivno utjecati na mlade. Potpisivanje ugovora sa Ministarstvom za obrazovanje, nauku i mlade KS važno je jer smo uspostavili institucionalnu saradnju sa resornim ministarstvom za pitanja mladih. Sigurni smo da ćemo nastaviti raditi i na drugim inicijativama, a za koje uočimo da će rezultirati boljim položajem mladih u Kantonu Sarajevo i Bosni i Hercegovini“, izjavila je Šeherzada Halimić, izvršna direktorica Instituta.

Pored Ministarstva za obrazovanje, nauku i mlade KS, Institut nastavlja raditi i sa ostalim javnim institucijama i ustanovama iz Kantona Sarajevo na njihovom akreditovanju za pružanje dugoročnog volontiranja. Prema Zakonu o volontiranju FBiH, dugoročno volontiranje smatra se radnim iskustvom, što će u konačnici rezultirati lakšim mehanizmima za ostvarivanje prvog radnog iskustva i u konačnici zaposlenja mladih u ovom kantonu.

**OMLADINSKA ORGANIZACIJA "SVITAC"**

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.netWeb: www.svitac.orgFB: www.facebook.com/omladinska.svitac

Dnevne radionice



Omladinska organizacija Svitac je nastavila sa svakodnevnim aktivnostima po redovnom rasporedu, prva grupa učesnika od 11:00-13:00 uzrasta od 4-7 godina, a druga grupa učesnika od 14:00-15:30 uzrasta 8+. Mlađi učesnici su radili kreativne i edukativne stvari na radionicama prilagođene uzrastu, uz pomoć lokalnih i međunarodnih volontera. Ovaj mjesec su radili: malu farmu sa raznim domaćim životinjama, narukvice prijateljstva, baner sa temom tolerancija i bića iz svijeta mašte; čitali smo priče i bajke: Ružno Pače, Aladin i čarobna lampa, Carevo novo ruho.

Nastavili su vježbati azbuku; učili su i vježbali pisanje slova slova Б, Г Д i riječi, koje počinju tim slovima, te su crtali pojmove koji počinju na određeno slovo. Na muzičkim radionicama su učili i vježbali pjesmicu „Deset ljutih gusara“, koja je veoma zahtjevna i sastoji se od više strofa. I ovaj mjesec smo zbog novih učesnika održali radionicu o zdravim navikama, a na radionicama engleskog jezika teme su bile: Fruits/Voće, Under the sea/ Pod morem i kviz sa jednostavnim pitanjima, prilagođenim njihovom uzrastu. Kao i prethodnih mjeseci Svitac je u okviru redovnih aktivnosti intenzivno radio na temi higijena i posvetio joj posebnu pažnju. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.

Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. U toku mjeseca su radili diskusije na temu nezaposlenost i mladi, izbori u BiH i aktivizam. Krajem avgusta smo ostvarili saradnju sa Lot timom EUFOR-a i organizovali u skladu sa odredbama Kriznog štaba Brčko distrikt trening o minama i opasnostima od mina za mlade iz naše lokalne zajednice.

Koordinator radionica je bio Adin Midžić uz asistenciju lokalnih, Weltwärts i EVS/ESC međunarodnih volontera.

Radionice gitare

Učesnici su nastavili sa radom na gradivu iz prethodnog perioda, uvježbavajući etide i kompozicije kao i popularne pjesme po njihovom izboru.

Radionice Sambe

Učesnici su nastavili rad na novoj kompoziciji radnog naziva "Kiki Chanel".

ECO - projekat

Nakon ljetnih odmora ponovo okupljamo Eco tim i planiramo aktivnosti. Stari članovi će raditi promociju projekta i na taj način pokušati povećati tim.

Ljetni kampovi 2020.

Kreativni, jezički i muzički kamp su se održali od 24. do 28. avgusta, a Dječiji Dan 29. avgusta ispred Omladinskog centra. Radionice su se održavale svaki dan od ponedjeljka do petka, a svaka je radionica trajala 2 i po sata. Kako su na snazi bile epidemiološke mjere koje zabranjuju okupljanje više od 20 ljudi na jednom mjestu, kampovi su se odvijali odvojeno na otvorenom (po 20 učesnika u svakom kampu). Dječiji Dan je ove godine bio zatvorena mini-zabava jer nije bilo dopušteno mnogo učesnika, tokom dana posjetioci su se družili u 4 odvojene grupe od po 20 učesnika. Ipak, uprkos ovim ograničenjima, potrudili smo se da se zabavimo i uživamo u ovom teškom vremenu za sve.

Kreativni kamp

Kreativni kamp je realizovao 5 tema: Pod morem, Dan naranče, Životinjski planet, Super heroji i Zeleni planet. Učesnici različitih nacionalnosti imali su priliku saradivati u neutralnom prostoru, izrađivati razne zanimljive umjetničke predmete od različitih materijala koji se mogu reciklirati i učiti o novim zanimljivim temama. Konačan rezultat aktivnosti Kreativnog kampa bila je izložba i kviz o ekologiji na plakatu.



Jezički kamp

Učesnici jezičkog kampa imali su prili

, sport i boje. Radili su na „Vrtu zahvalnosti“, gdje je riječ „Hvala“ napisana na nekoliko stranih jezika u obliku cvijeta. Bila je to lijepa promjena od svakodnevne rutine za sve, vrlo dinamično i puno motivacije za učesnike.

Muzički kamp



U prvoj polovini sedmice učesnici su uglavnom svirali na samba perkusijama, stvarajući vlastitu kompoziciju od kratkih muzičkih ideja i ritmičkih motiva. Kompozicija je nazvana „Call of Beauty“. Sredinom sedmice je počelo snimanje, zajedno s pisanjem teksta na temu: "Kako se pravi hljeb?" Prije pisanja teksta korištena je brainstorming tehnika da bi se što lakše započelo sa prvim stihovima. Učesnici su stimulirani da razmišljaju ne samo o sastojcima za tijesto, već i o cijelom procesu, od pripreme zemlje i sjetve žitarica preko zalijevanja, zaštite biljaka,

berbe, transporta, mljevenja, prosijavanja, izrade tijesta, do pečenja i dobivanja konačnog jestivog proizvoda. Akcenat je bio na ljudskom umu kao pokretaču ovog procesa, zajedno sa radom i saradnjom

između grupa ljudi i pojedinaca kroz istoriju. Mnogo vremena posvećeno je montaži zvuka i videa u toku sedmice. Koris

Facebook stranici Svitca:

<https://www.facebook.com/omladinska.svitac/videos/226253055493680>



Prije objavljivanja video zapisa, učesnici i volonteri su se predstavili publici koja se sastojala od ostalih učesnika kampa i njihovih roditelja.

Međunarodni dan demokratije

Međunarodni dan demokratije je pravi trenutak da se kao društvo podsjetimo na važnost demokratskih procesa od kojih posebno zavisi kvalitet života! Snimili smo video i pitali naše male i velike drugare šta je demokratija; prije toga smo u krugu uz prilagođenu radnu metodu objasnili koncept demokratije.



Međunarodni dan mira

Međunarodni dan mira se u svijetu obilježava 21. septembra. Ovaj datum, koji je od velikog značaja, smo obilježili sa najmlađim učesnicima i kreirali šareni poster od lišća sa znakom mira. Prije toga smo sa našim malim drugarima razgovarali o značenju mira. Sa grupom starijih učesnika smo snimili video i kratku poemu, te poslali poruku o miru. <https://youtu.be/XmAsi3MoM4A>

Za oktobar se planira nastavak svih aktivnosti Omladinske organizacije Svitac.



HO „PARTNER“ Banja Luka
Ul. Srđe Zlopogleđe 55, 78000 Banjaluka
Tel./fax: +387 51 250 730
E-mail: partner@teol.net
Web: www.hopartner.org

Uspješno završena obuka za pružaoce pomoći starima i osobama sa invaliditetom

U okviru projekata “Socijalnim uslugama do kvalitetnijeg života” održana je petodnevna obuka, čiji učesnici su bili osobe koje su se prijavile na Javni poziv za posao pružaocapomoći/asistenta, kao i već zaposleni na navedenim poslovima.

Prvog dana je mr Olivera Mastikosa savjetnica za socijalno-ekonomsku politiku, polaznike je kroz temu “Rad sa starim osobama i licima sa invalidietom”, upoznala sa samim zanimanjem pružaoca pomoći i personalnog asistenta.



Drugog dana tema radionice je bila “Djelokrug rada njegovatelja/ice starih, nemoćnih i bolesnih osoba” tokom koje je medicinska sestra Dragana Kovačević praktično pokazala i objasnila eventualne situacije koje mogu prolaziti u budućem radu sa korisnicima.



Kada su u pitanju prava i obaveze zaposlenih osoba, pravnici Miodrag Babić i Željko Mastikosa, koji u HO "Partner" obavlja poslove koordinатора usluga personalne asistencije i pomoći u kući" su kroz prezentaciju "Organizacija rada njegovatelja i personalnih asistenata na poslu" upoznali prisutne sa njihovim pravima ali i obavezama koje će imati kada stupe u radni odnos.

Četvrta održana radionica na temu "Zaštitni položaji i transfer" održana je od strane radnih terapeuta Slobodanke Radukić Vučić i Dragomira Arambašića. Polaznici radionica imali su priliku da od dva izuzetna profesionalca čuju, a i praktično vide, kako korisnika prebaciti iz ležećeg u sjedeći položaj i obrnuto, kako ga prebaciti u kolica, kako korisnika u kolicima spustiti niz stepenice, kako ga unijeti i iznijeti iz auta. Kandidati su bili vrlo konstruktivni i pokazali su visoko interesovanje da nauče vještine koje su svakodnevno potrebne u ovom poslu.



Posljednjeg dana obuka, tema radionice je bila "Organizacija rada i supervizija", tokom koje je mr Ljubica Dorontić - supervizor u socijalnom radu i porodični terapeut, polaznike upoznala sa supervizijom i njenom važnošću za pomagačke poslove u koje spadaju i personalna asistencija i pomoć u kući.

Svim polaznicima su uručena uvjerenja o završenoj obuci, a troje njih će dobiti priliku da počne da radi kao njegovatelj.



Radionice su organizovane uz poštovanje svih preporučenih mjera od strane Instituta za javno zdravstvo Republike Srpske, a u skadu sa epidemiološkom situacijom.

Projekat "Socijalnim uslugama do kvalitetnijeg života" Humanitarna organizacija "Partner", realizuje uz finansijsku podršku Grada Banjaluka.

INFORMACIJE / DONATORI / POZIVI

Konkurs za novinarsku nagradu Srđan Aleksić: Poziv za nominacije

Ovim pismom želimo da vas informišemo i potaknemo da se aktivno uključite u promociju i učešće na ovogodišnjem Konkursu za Novinarsku nagradu Srđan Aleksić.

Ova nagrada promovise i daje dodatnu motivaciju novinarima i novinarkama, emisijama i medijima koji_e na profesionalan način i u kontinuitetu izvještavaju o marginalizovanim i ranjivim grupama u našem društvu i doprinose razvoju društveno odgovornog novinarstva.



Podržite novinare i novinarke koji_e profesionalno rade svoj posao, koji prate rad vaše organizacije i izvještavaju sa vaših aktivnosti. Podržite novinare i novinarke, emisije i medije koji se ističu svojom profesionalnošću i odgovornošću i koji koriste adekvatan i politički korektan govor, koji uključuju sve strane u priložima i tekstovima, odnosno koji su objektivni, ali su na strani ranjivih. Podržite novinare i novinarke koji promovišu mir, suživot i toleranciju i ljudska prava. Podržite novinare i novinarke koji_e razumiju značaj i snagu riječi izrečene i napisane u javnom prostoru i takvoj riječi pristupaju sa odgovornošću koja ona sa sobom nosi, takvu riječ koriste da doprinesu razvijanju svijesti javnosti o kršenjima ljudskih prava, ali i promociji pozitivnih narativa i tema koje nas spajaju, čine boljima i daju nam motivaciju da budemo dio pozitivnih promjena, a ne onih koje stvaraju razdor među nama.

Nagradite ih time što ćete ih nominirati na način predviđen u Konkursu, koji se [nalazi ovdje](#).

Dovoljno je kratko obrazloženje o tome zašto mislite da jedan novinar/novinarica, emisija ili medij zaslužuje ovu nagradu, i najmanje dva priloga/teksta. [Konkurs pronađite ovdje](#).

Kako nam još možete pomoći? Možete organizovati prezentaciju poziva za nevladine organizacije i novinare iz vaše lokalne zajednice ili im možete proslijediti poziv.

Pored udruženja građana, koji mogu predložiti novinare i novinarke, emisije i medije, novinari i novinarke se mogu direktno prijavljivati na Konkurs.

Ova nagrada novinarima i novinarkama mnogo znači iz nekoliko razloga, prije svega što nosi ime istinskog heroja Srđana Aleksića, čije ime simbolizuje građansku odgovornost i hrabrost, humanost i solidarnost. Nagrada je također specifična jer treća lica, odnosno nevladine organizacije, nominuju novinare i novinarke za priznanje. I na kraju ova nagrada je postala tradicionalna jer se dodjeljuje po deseti put ove godine i po mnogima je najznačajnija novinarska nagrada u Bosni i Hercegovini.

Još jednom vas molimo da se uključite jer je ovo naša nagrada, nagrada Mreže za izgradnju mira, nagrada svih nevladinih organizacija u Bosni i Hercegovini, nagrada svih potlačenih, marginalizovanih i ugroženih u svom svakodnevnom životu.

Otvoren Konkurs „THE JAPAN WORLD EXPOSITION OF 1970“ fond sa prihodima od „Expo '70“, koji se koristi za podršku i subvenciju JEC grantova.

Ovi projekti osmišljeni su u cilju promocije međusobnog razumevanja različitih kultura.

Rok za prijavljivanje: 01-31. oktobar 2020. godine

Detaljne instrukcije nalaze se na linku:

www.osaka21.or.jp/iecfund/english/information/data/guide_en.pdf

lakododonacija.rs

CARITAS - Javni poziv za podnošenje zahtjeva za finansiranje malih projekata na području Bosne i Hercegovine



Caritas Bosne i Hercegovine, u okviru projekta „SOCIETIES 2“ kojeg financira Europska unija, objavio je

Javni poziv za podnošenje zahtjeva za finansiranje malih projekata na području Bosne i Hercegovine.

Financirat će se najmanje osam projekata u iznosu od 5.000 do 8.250 Eura.

Zahtjeve mogu dostaviti lokalne organizacije osoba s invaliditetom i socijalna poduzeća koja upošljavaju osobe s invaliditetom.

Poziv je otvoren do 15.11.2020. godine.

Javni poziv i prijavni obrasci dostupni su na web stranici Caritasa

BiH <http://www.caritas.ba/?stranica=najave&clanak=1120>

Prijave za YES stipendiju i razmjenu učenika otvorene do 15. oktobra

Testiranje za **besplatan odlazak u SAD** putem **YES programa** otvoreno je još do 15.10. YES program omogućuje srednjoškolcima iz **svih škola** u BiH da provedu jednu školsku godinu **BESPLATNO** u Sjedinjenim Američkim Državama. **Testiranje je otvoreno samo za učenike 1. i 2. razreda srednje škole u Bosni i Hercegovini, sa vrlo dobrim ili boljim uspjehom, i sa datumom rođenja od 1.1.2004. do 15.7.2006. godine. Učenici također moraju biti državljani Bosne i Hercegovine.**



Zainteresovani učenici treba da, do 15. oktobra/listopada 2020. godine, posjete web stranicu: <http://ais.americancouncils.org/yes> kako bi se registrovali za testiranje.

Kennedy-Lugar Youth Exchange and Study (YES) je program kojim se stipendira jednogodišnja razmjena srednjoškolaca iz Bosne i Hercegovine kako bi proveli školsku 2021-22. godinu u Sjedinjenim Američkim Državama. Testiranje je otvoreno učenicima koji su ove školske godine **upisani u prvi ili drugi razred** srednje škole i koji **su rođeni između 1. januara 2004. godine i 15. jula 2006. godine**. Programska brošura se može vidjeti [ovdje](#).

YES je u potpunosti financiran od strane Vlade SAD (State Department), a od 2008. godine u Bosni i Hercegovini ga sprovodi naš ured ([American Councils for International Education](#)). Učenici koji dobiju stipendiju žive sa američkim porodicama-domaćinima gdje pohađaju srednju školu i učestvuju u vannastanim aktivnostima kako bi naučili više o američkom društvu i vrijednostima, stekli liderske vještine i podučili Amerikance o svojoj zemlji i kulturi.

****Učenici sa invaliditetom koji pohađaju srednju školu se također mogu prijaviti na testiranje za YES putem gore navedenom linka. Kako bi mogli da učestvuju u ovom programu razmjene, učenici sa invaliditetima moraju biti upisani u srednju školu i biti rođeni između 15. februara 2003. godine i 15. jula, 2006. godine.****

Za više informacija, javite se na email adresu yes.ba@americancouncils.org ili od 10h do 17h na brojeve telefona 033-838-262 (kancelarija u Sarajevu) ili 065-032-935 (kancelarija u Banjaluci).



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

**Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orctuzla@bih.net.ba**

*Mjesečni bilten uređuje
Omladinski resursni centar -
ORC Tuzla*

*Urednik Biltena:
Mirela Biković*

*Prevod Biltena na engleski:**Adnan Karamujić***

*WEB stranica Mreže:
www.omladina-bih.net*

*Mejling lista Mreže:
posta@omladina-bih.net*

*Webmaster:
emir.delalic@gmail.com*